

# ქარელის მუნიციპალიტეტში საგზაო სარეაბილიტაციო სამუშაოები მიმდინარეობს

06 ივლისი 2022

ქარელის მუნიციპალიტეტში, საოკუპაციო ხაზთან მდებარე სოფლების საცხური-აბანო-კოდასა და მაღალმთიანი სტატუსის მქონე სოფელ იმერხევში საავტომობილო გზების რეაბილიტაცია მიმდინარეობს. ინფრასტრუქტურული სამუშაოები შიდა ქართლის სახელმწიფო რწმუნებულის მოვალეობის შემსრულებელმა სიმონ გულედანმა და ქარელის მუნიციპალიტეტის მერმა ზაზა გულიაშვილმა დაათვალიერეს.

საცხური-აბანო-კოდას გზის სამუშაოები 2021 წელს დაიწყო და მიმდინარე წლის ზაფხულში დასრულდება. პროექტის ღირებულება 1,5 მილიონამდე ლარს შეადგენს, რომელიც რეგიონებში განსახორციელებელი ფონდიდან გამოიყო. ჯამში, სამუშაოების ფარგლებში 3,5 კმ. გზა რეაბილიტირდება. განახლებული ინფრასტრუქტურით კი 1110 ადგილობრივი მაცხოვრებელი ისარგებლებს.

მაღალმთიანი სტატუსის მქონე სოფელ იმერხევში საგზაო ინფრასტრუქტურა დღემდე არ არსებობდა. გზას რეაბილიტაცია პირველად უტარდება. სამუშაოების ღირებულება 2 მილიონ ლარზე მეტს შეადგენს, რომელიც როგორც რეგიონებში განსახორციელებელი პროექტების, ისე მაღალმთიანი დასახლებების განვითარების ფონდიდან გამოიყო. პროექტი გარდამავალია, გზის რეაბილიტაცია გასულ წელს დაიწყო და მიმდინარე წლის ზაფხულში დასრულდება. ჯამში კი 2,7 კმ. გზის მონაკვეთი მოეწყობა.